



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Ein hundert Vnwarheytt/ Beneben Achtzehnen vnd mehrern  
verfaelschungen der Schrifft/ vnd Viertzigen  
vngeschickten Consequentzen So in den ersten sibben  
kleinen Blettern/ von der halben Præfation ...**

**Pistorius, Johann**

**Coelln, 1595**

**VD16 P 3043**

XIII.

**urn:nbn:de:hbz:466:1-32834**

welches aber alles hieher nicht gehört/ daß wir eynige Gerechtigkeit  
 anderst dann Christi Gerechtigkeit / vnd nicht auß dem Gesetz /  
 sondern auß dem Glauben suchen / Auch nicht von denen reden / so  
 die Gerechtigkeit Christi noch nicht erlangt / Sondern von den Chris-  
 ten / so bereits die Gerechtigkeit Christi ergriffen / vnd dardurch in  
 frieden Gottes Gesetz sein / Aber Hunnius weiß nichts von der  
 Schrift oder von vnser meynung / wirfft das hundert in das tau-  
 sent / mischt die erste vnd ander iustification, Item die Werk des  
 Gesetzes / vnd der newgebornen Christen durch eynander / wie ein  
 Lutherisch lumpenmüß / vnd ist ihm genug / wann er nur den Buch-  
 staben der Schrift mit den haren beißhen kan / es reim sich oder reim  
 sich nicht.

## XIII.

Eyn muthwill ist / das Hunnius die wort auß der Epistel zum  
 Römern am 3. vnd 4. wie auch Epes. 2. dahin anzeugt / als weh-  
 ren sie wider vns / vnd het S. Paulus vnser meynung mit den 2.  
 Wercken der nachfolgenden oder anderen Gerechtigkeit auffgehas-  
 ben / da doch S. Paulus vnverborzen an beiden orthen zu weilen  
 alleyn von den Wercken des Jüdischen Gesetzes / Mehrertheils  
 aber von der Juden vnd Heyden erster iustification vnd auffnem-  
 mung an Kindes statt vor Gottes Angesicht / vnd also von ihren  
 vorgehenden / vnd den jenigen wercken / welche sie als feind Gottes  
 vor der Gnad gethan / Aber nicht von der ander iustification oder  
 fortsetzung der ersten iustification oder folgendē werckē vnd vil we-  
 niger von der Seligkeit redt / dann dises der lautter Text mit sich  
 bringt / da er sagt. Omnes peccauerunt & egent gloria Dei, sie  
 haben all gesündigt / vnd manglen der herzigkeit Gottes Rom. 3.  
 Item, quibus reputabitur creditibus, denen es wurde zugerech-  
 net werden / wann sie glauben Rom. 4. Desgleichen cum essemus  
 mortui peccatis, conuiscavit nos Christo &c. da wir in Sündē  
 erstorben waren / hat vns Gott lebendig gemacht mit Christo durch  
 dessen Gnad ihr seyd selig worden Ephes. 2. welche vnd alle Wort  
 der dreis

der dreien angeregten Capitteln ohn alle widerred nimmermehr auff die Christen so bereyts glauben/ nicht sundigen/ **GOTTES** Herrligkeit nicht manglen/ in Sünden nicht erstorben sein/ Sondern alleyn auff Juden vnd Heyden vor erlangter Genad der ersten Gerechtigkeit vnd Göttlichen Fridens sich referiren lassen/ vnd also vnwahr/ was Hunnius sagt/ Aber wahr ist das angeregte Capitel S. Pauli vnser frag nicht betreffen vnd nichts von der andern Gerechtigkeit oder Früchten der Gerechtigkeit/wie auch nichts von der Seligkeit handeln/ Dann ob wol S. Paulus anmeldt daß die Epheser seien durch den Glauben selig worden/ will er doch solches nicht anderst dann von der Hoffnung zur Seligkeit verstanden haben/ weil deren keyner/ zu welchem S. Paulus schreibt/ damals gestorben/ Vnd derhalben auch nicht anderst dan in der Hoffnung/ die doch bei vilen ohn zweiffel gefehlt hat/ selig gewesen/ Das aber vil/ so schon gerecht gemacht sein/ die Seligkeit nicht erlangen/ bezeugt Christus/ da er alleyn die/ so biß an das endt becharren/ selig nennt/ Matth. 10. vnd 24. Oder wie auch S. Paulus sagt (Coloss. 1.) das wir als dann die Seligkeit erlangen/ wann wir im Glauben begründet vnd bestendig/ Auch von der Hoffnung des Euangelij vnbeueglich bleiben/ vnd solches biß ans endt (Hebr. 3. bis) treiben.

Derowegen was Hunnius hiewider anregt/ durchauß nichts zur sacht dienet/ vnd offentlich dem Text/ vnd der intention des H. Apostels Pauli zuentgegen laufft.

XIIII. fol. 6. vnd 7.

Von Verkehrung des Texts beim Esaia cap. 64. (Wir sein all gewesen wie cyn vnreyner/ 2c.) Item in der gleichnis mit dem Knecht/ der seinem Herrn 10. tausend Pfunde schuldig worden/ Desgleichen mit vnseren ersten Eltern/ als sie nach der Sündt zur Gnad widerumb langten/ Wie auch mit des Zolners vñ Dauids Exampeln/ vnd Daniels Gebett/ können ich acht vnderschiedliche

R

capita